

գըրտունս երեսաց մերոց ջնջեցաք: 4 Եւ արդ ոչ կարեմք այսմ գոյժ¹ ունել. եւ ոչ այլ կարեմք տալ ճակատս. զի լաւ է մեզ՝ թէ ծառայեսցուք մեք թագաւորին Պարսից որպէս ընկերքն մեր արարին, զի թողին զնա եւ զնացին առ թագաւորն Պարսից. եւ մեք տոյնպէս առնելոց եմք, զի ոչ այլ եւս կարեմք կռուել: 5 Թէպէտ իցէ թագաւորին Արշակայ կռուել ընդ Շապիոյ, Վասակաւ եւ Անդուկաւ աներաւ իւրով տացէ պատերազմ. այլ յայսմիկ Յայոց աշխարհէս եւ ոչ մի այր ոչ ոք է երթալոց ի թիկունս աւզնականութեան Նորա: 6 Նմա թէ պէտ իցէ, տացէ պատերազմ, թէ պէտ մի՛. մեր թողեալ զնա՝ մեզ չէ փոյթ:

7 Իսկ սուրբն Ներսէս խաւսեր ընդ Նոսա որպէս արեւն էր, եթէ տեսէք եւ քաջ զմտաւ ածէք եւ յիշեցէք զբանն Տեառն պատուիրանին միաբանութեամբ, որպէս պատուիրեացն ծառայից՝ հնազանդ կալ տերանց իւրեանց: 8 Չի ամենեքեան դուք աւաղիկ կայք եւ վկայէք, մանաւանդ զի ամենեքեան դուք կեցեալ էք յազգեդ Արշակունոյ. ոմանք ի ձէնջ գաւառատեարք լեալք ի Նոցանէն, եւ ոմանք մեծամեծք աշխարհաց, ոմանք աւագ աւագ աւանաց գեղից եւ գանձուց տեարք լեալ էք, եւ պէսպէս դաստակերտացն: 9 Չի թէպէտ եւ առ արարիչն Աստուած յանցաւոր իցեն պեղծ ազգն Արշակունեաց, սակայն զձեզ կեցուցեալ զամենեսեան եւ յաղթոյ թաւթափեալ է, զոմն գործով, զոմն պատուով, զոմն իշխանութեամբ, զոմն գործակալութեամբ: 10 Չի թէպէտ եւ առ Աստուած մեղաւոր է Արշակ արքայ, եւ պարտական է տոկոսեաց Արարչին իւրոյ՝ առ ի տանել² նմա վրեժս, սակայն Աստուած վասն բազում եւ անչափ մարդասիրութեան իւրոյ՝ ինայեաց ի նա, եւ վասն Նորա ի ձեզ:

11 Եւ դուք աւաղիկ կամիք անկանել հեթանոսաց ի ծառայութիւն, եւ կորուսանել զկեանս ձեր յԱստուծոյ, եւ մերժել զբնակ տեարսն³ ձեր՝ զորս տուեալ է ձեզ յԱստուծոյ, եւ աւտար տերանց ծառայեալ, եւ Նոցին անաստուած կրանիցն ցանկալ: 12 Բայց լաւ լիցի ձեզ զնոյն սիրել եւ յանձն առնուլ, եւ նմին հաւանել, եւ ոչ⁴ մերժել յանձանց ձերոց զարարչապաշտ թագաւորն: 13 Չի թէ բեր չար իցէ Արշակ, սակայն աստուածապաշտ է. եւ եթէ մեղաւոր եւս իցէ, սակայն թագաւոր ձեր է. որպէս եւ դուքդ ասացէք առաջի իմ, թէ այսչափ ամբ են՝ զի մարտեայք եւս ի վերայ անձանց ձերոց եւ հոգւոց, ի վերայ աշխարհի, ի վերայ կանանց եւ որդւոց ձերոց: 14 Եւ որ մեծն է քան զամենայն, ի վերայ եկեղեցեաց ձերոց, ի վերայ ուխտի հաւատոց ձերոց, զոր ունիմք ի Տեր մեր Յիսուս Քրիստոս. եւ համակ Տեր ետ ձեզ յաղթութիւն ա-

1 Յօրինակի միում՝ գոյժ ունել, եւ ի միւս այլ՝ յոյժ ունել

2 Թերեւս՝ տալ

3 Օրինակ մի՝ զբնակատերն

4 Յօր. պակասի ոչ